



საქართველოს გაერთიანებული სახელმწიფოს და სოფლის მეურნეობის მინისტრი

ბრძანება N 2-215

06/03/2019

ქ. თბილისი

ქალაქ ბათუმში სასარგებლო წიაღისეულის მიწისქვეშა მტკნარი წყლის (სამეწარმეო მიზნით) მოპოვებაზე სკრინინგის გადაწყვეტილების შესახებ

აჭარის ავტონომიური რესპუბლიკის ფინანსთა და ეკონომიკის სამინისტროს მიერ გზშ-ს ჩატარების საჭიროების დადგენის მიზნით საქართველოს გარემოს დაცვისა და სოფლის მეურნეობის სამინისტროში წარმოდგენილია ქალაქ ბათუმში სასარგებლო წიაღისეულის მიწისქვეშა მტკნარი წყლის (სამეწარმეო მიზნით) მოპოვების სკრინინგის განცხადება.

დაგეგმილი საქმიანობა ითვალისწინებს ქ. ბათუმში, კოწია ერისთავის N21-ში, შპს „ჰაიდელბერცემენტ ჯორჯიას“ მიერ იჯარით აღებულ ტერიტორიაზე მტკნარი წყლის მოპოვებას. წიაღისეულის სასარგებლოების ობიექტის კოორდინატებია X-720186;Y-4607729; ჭაბურღილი მდებარეობს მდ.ჭოროხის მარჯვენა ნაპირზე (800მ), ჭალისზედა პირველ ტერასაზე, მოსწორებულ რელიეფზე. საპროექტო ტერიტორიიდან უახლოესი დასახლება მეჯინისწყალი დაშორებულია 1100 მეტრით, საცხოვრებელი სახლი დაშორებულია-500 მეტრით. მანძილი უახლოესი საავტომობილო გზიდან 850 მეტრს შეადგენს.

წარმოდგენილი დოკუმენტაციის თანახმად, მოსაპოვებელი სასარგებლო წიაღისეულის მოცულობა შეადგენს 473 040 მ³-ს წელიწადში. საექსპლუატაციო მარაგი დამტკიცებული არ არის და იგი წარმოდგენილია P(პროგნოზული) კატეგორიით. ჭაბურღილის სავარაუდო სიღრმე უცნობია.

სკრინინგის განცხადების თანახმად, არტეზიული ჭაბურღილის წყლის შესწავლამ აჩვენა, რომ იგი ქიმიური შედგენილობით ჰიდროკარბონატულ-კალციუმიანი და კალციუმიანი-ნატრიუმიანი ტიპისაა. საერთო მინერალიზაცია 1გ/ლ-მდე. ბაქტერიოლოგიური და ფიზიკური შემადგენლობა ასევე სანიტარული მდგომარეობა დამაკმაყოფილებელია. წყლის გამოყენება შესაძლებელია სამეწარმეო დანიშნულებით. წყლის ტემპერატურა 12-15 °C-ია. სალიცენზიო ობიექტი არსებულია, მაგრამ საჭიროებს თავმორთულობის მოწესრიგებას და დამცავი ჯიხურის დადგმას.

საინჟინრო გეოლოგიური პირობების სირთულის მიხედვით ტერიტორია მიეკუთვნება I (მარტივ) კატეგორიას. ჭაბურღილზე დამონტაჟებულია მრიცხველი

მოპოვებული წყლის რაოდენობის აღრიცხვისათვის. წიაღითსარგებლობის ობიექტების ტერიტორიის გეოდინამიკური სიტუაცია სტაბილურია და ექსპლუატაციის პროცესში გართულებები მოსალოდნელი არ არის.

აღნიშნული მიწისქვეშა მტკნარი წყლის ჭაბურღილი წარმოადგენს არსებულ ობიექტს, ხოლო მიმდებარე ტერიტორიაზე სხვა პოტენციური დაბინძურების წყარო არ არსებობს, შესაბამისად კუმულაციური ზემოქმედება მოსალოდნელი არ არის. რადგანაც ტერიტორია წარმოადგენს უკვე ათვისებულს, გამომდინარე აქედან ნიადაგის ნაყოფიერ ფენაზე მნიშვნელოვანი ზემოქმედება მოსალოდნელი არ არის. ჭაბურღილის მიწისზედა ინფრასტრუქტურის (ჭაბურღილის თავმორთულობა) რეაბილიტაციის ეტაპზე ადგილი ექნება მცირე რაოდენობით ნარჩენების წარმოქმნას, თუმცა ჩასატარებელი სამუშაოების მოცულობის და ნარჩენების რაოდენობის გათვალისწინებით ზემოქმედება არ იქნება მნიშვნელოვანი. ასევე, საქმიანობის განხორციელების პროცესში ხმაურის წარმოქმნას ადგილი არ ექნება. საქმიანობა არ არის დაგეგმილი შავი ზღვის სანაპირო ზოლთან, ტყით მჭიდროდ დაფარულ ტერიტორიასთან. ვიზუალური შეფასებით საპროექტო ტერიტორიაზე არ ფიქსირდება კულტურული მემკვიდრეობის ძეგლი.

წარმოდგენილი დოკუმენტაციის შეფასებით დგინდება, რომ დაგეგმილი საქმიანობა გარემოზე მნიშვნელოვან ზემოქმედებას არ გამოიწვევს და შესაბამისად არ ექვემდებარება გარემოზე ზემოქმედების შეფასებას.

ზემოაღნიშნული კრიტერიუმების გათვალისწინებით, „გარემოსდაცვითი შეფასების კოდექსის“ მე-7 მუხლის მე-3 და მე-6 ნაწილების საფუძველზე

ვ ბ რ ძ ა ნ ე ბ:

1. მიღებულ იქნეს სკრინინგის გადაწყვეტილება, რომ „აჭარის ავტონომიური რესპუბლიკის ფინანსთა და ეკონომიკის სამინისტროს“ მიერ წარმოდგენილი ქალაქ ბათუმში სასარგებლო წიაღისეულის მიწისქვეშა მტკნარი წყლის (სამეწარმეო მიზნით) მოპოვება არ დაექვემდებაროს გარემოზე ზემოქმედების შეფასებას;
2. ლიცენზიის მფლობელი ვალდებულია საქართველოს კანონის „გარემოსდაცვითი შეფასების კოდექსის“ მე-7 მუხლის მე-8 ნაწილის შესაბამისად უზრუნველყოს გარემოსდაცვითი ტექნიკური რეგლამენტებით დადგენილი მოთხოვნებისა და გარემოსდაცვითი ნორმების დაცვა;
3. ბრძანება დაუყოვნებლივ გაეგზავნოს „აჭარის ავტონომიური რესპუბლიკის ფინანსთა და ეკონომიკის სამინისტროს“;
4. ბრძანება ძალაში შევიდეს „აჭარის ავტონომიური რესპუბლიკის ფინანსთა და ეკონომიკის სამინისტროს“ მიერ ამ ბრძანების გაცნობისთანავე;

5. სკრინინგის გადაწყვეტილების გაცემიდან 5 დღის ვადაში აღნიშნული გადაწყვეტილება განთავსდეს სამინისტროს ოფიციალურ ვებგვერდზე და ქალაქ ბათუმის აღმასრულებელი ორგანოს საინფორმაციო დაფაზე;
6. ბრძანება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე-12 კმ. N6) მხარის მიერ მისი ოფიციალური წესით გაცნობის დღიდან ერთი თვის ვადაში.

ლევან დავითაშვილი



მინისტრი